

四庫全書

集部

欽定四庫全書

集部

午亭文編卷十一

詳校官庶吉士臣汪彥博

助教臣常循覆勘

總校官庶吉士臣倉聖脉

校對官中書臣牛稔文

謄錄監生臣齊兆求

欽定四庫全書

午亭文編卷十

大學士陳廷敬撰

今體詩

城西亭送沈繹堂翰林歸華亭

柳峯文采世無倫  
翰墨風流奕葉存

謂學士度大  
理榮兄弟客裏

蚤花隨步屨  
愁邊積雪照離尊  
舊遊已少仍揮袂  
往事

臨岐易斷魂  
出守昔曾還  
近侍柴門豈合老  
江邨

西譙門書懷

出郭烟雲照眼新  
輭紅回首隔流塵  
一年好景逢春色  
萬事今生讓古人  
老治文書成底事  
倦游花鳥恐傷神  
低回百計輸行樂  
歷落嶽崎寄此身

移居

移居頻作客  
八口寄天涯  
樹帶西家月  
籬遮北里花  
行藏一燕壘  
身世兩蜂衙  
便是雞窠老  
遷流見物華

棄宅

蚤棄西街宅栖栖不定居邯鄲留一枕秘監失殘書酒  
醺空隨汝花枝最記渠平生多病意卜築未情疎

別舊居花樹

一宿天涯樹下情塵根未斷笑平生穠花細藥尋常事  
可奈雙株手種成

閒適

閒適吾堪老園林興不違游魚爭晚景哺燕接低飛書  
展檐風亂花捎徑雨微輕陰漏明月涼色在絺衣

送王玉銘大司馬致政歸滇南二首

周歷曹堂解印年，青山黃髮羨歸田。  
雲霄自致勛名貴，軍國曾都將相權。  
拜手瑤階頻獻頌，

勅書天翰為裁篇。  
蒼生尚憶商巖雨，廿載昇平啟細旃。  
樓船戈甲久銷沉，滇海風清罷羽林。  
勲業舊存

三殿，詔去留令見。

兩朝心，東山花月仍無恙。  
北極風雲轉，自深聞道。

舊恩思夙昔，莫言容易謝華簪。

寄題嚴氏嗜退菴

不識江南路，孤城何處邊。  
數椽方丈屋，萬里五湖天。  
苔雪雙鳴槳，烟波一畫船。  
富春山好在，高並客星懸。

午日小集

帝京逢午日，幾度遠柴扉。  
當暑思官扇，趨朝感

賜衣。少眠歡坐減，多病宦情微。  
却望行山道，晴雲只自飛。

書韋蘇州集後

韋公昔為郡，計年九十餘。  
不似陶彭澤，解組折腰初。

夜行

庭樹雞一鳴起行如適遠映堦月色微葉落知深淺

睡起二首

夢醒不覺暝渺渺殘陽下入簾秋色來幽懷正瀟灑  
晨理頭上髮又已數莖白不須感秋風含情自脈脈

旅夜懷張子美子文

草際候蟲語花邊螢火流關山長旅夜風雨近新秋落  
葉下庭樹寒瓜生故丘樊溪鳴咽水惜別在南樓



冰雪

冰雪遲來使關河阻客居  
風鴉過院晚木葉下亭虛薄  
醒銷憂酒奇驚引睡書天涯  
身漸老局束欲何如

觀物

蕭條觀物意又迫歲寒心  
旅燕飛難定哀蟬響易沉  
晚霞猶閃閃列宿已森森  
流影看殘月迢迢墮遠林

冬夜懷樊川故居

愁銷寒夜酒睡引舊時書  
畫角三更外荒雞一枕餘  
身

名厭潦倒物理悶乘除野艇花源水柴門栗里居只須  
長吏好便覺宦情疏冬日暄茅屋春晴御版輿樵風下  
籬落松月照村墟猿鶴多情者經時應念予

高同年入覲贈別

功名往事記題輿佐郡風流十載餘幕下鶯花春色換  
天涯兄弟宦情疏烟雲料理詩逾好簿領從容政自如  
時覲歸來開榮戟畫梁塵滿舊懸魚

贈張螺浮給事

西垣重歷幾朝昏萬事波瀾過眼翻伏閣何人驚白簡  
臨朝有勅報黃門雲霄鐘鼎推時望魚水功名是  
異恩正覩夔龍簪笏盛莫因花鳥戀江邨

春夜和王信初侍御兼懷鄒謙受檢討

雲霄有路已飛翻寂寞官曹獨閉門客舍鶯花連上已  
寺樓鐘鼓送黃昏春衣暮冷添新火濁酒人稀命舊尊  
蒲柳年年江上綠白頭零落幾人存

劉果齋僉憲提學浙江索贈別詩

青霄藜火映含香為許傳經下栢梁  
畫省仙郎閒劍履絳紗才子典文章  
春風桃李花圍坐烟雨江山色滿堂  
好為藏書探禹穴清時竹箭美琳琅

移居懷玉隨玉騮

蕭然蓬轉迹似已接衡臯卷曲寺鐘近  
夜深鄰語高舂壘生計小書劍客情豪  
為報素心友移居欲和陶

移居別舊居花樹

隔巷星河別館開客亭臨去重徘徊  
青苔濁酒行吟地

惟有楊花日暮來

城南見山桃花

黃塵風裏帽簷斜  
桑柘稀疏柳半遮  
千葉不須銷恨種  
小桃已放破愁花

曉雞

短日寒雞半夜聲  
漏長偏攪旅人情  
羽毛今為風霜苦  
怪爾春來失曉鳴

送張東山少司寇致政歸里二首

一辭劇職顏逾渥三領西曹事自奇

張三拜  
刑侍

朝下清卿

休沐日天涯親舊別離時官貧蚤割香山宅身健長耽  
謝傳碁回首緇塵京洛客如公賢達幾人知

舍南舍北連春色竹樹交枝花滿坡輦下居非村落近  
天邊見比故鄉多尊開法酒賓朋共坐擁寒燈嘯詠過  
欲解朝衣隨杖屨耦耕生計老東阿

王方伯寓亭送姜鐵夫還會稽二首

惜別論文地離亭是勝遊紅箋傳郢曲畫壁寫秦謳落

葉催歸棹征鴻過倚樓遠江秋色盡渺渺送行舟  
高閣樹聲滿夕陽相對閒霜風送歸客搖落動離顏華  
髮三秋別滄波一艇還只今無賀老相憶在稽山

宋玉叔招同曹子顧沈繹堂施尚白王子底貽上  
集王方樸寓亭同賦五首

洛下耆英社濟南名士亭風流人未老文字飲常醒篋  
靜張琴露窗明冷劍星新詩翻樂府傳唱與秦青  
疎雨青燈暗微風白葛涼地非金谷麗人是竹林狂車

騎閑韋曲星辰隱建章

君王重詞賦或恐動輝光

花裏銀鞍馬尊前錦帶鉤園林過晚夏荷芰入清秋他

日江湖外應思鄜杜遊歡娛兼別緒為我緩行舟

尚白將歸

宣城

行雲暮不息主人終宴吟詞華傾一代風雨集同心已

踐銀青約能為清白歲重開雙畫戟掩映舊藤陰

玉叔昔為

郎吏部



絕域尋源使孤槎鑿空人誰為蕉葉樣酌此梨花春醉  
觸支機石歸迷渡漢津拍浮銀浦裏肯與渴羌鄰

以銀槎行

酒是元人朱碧山所製

### 秋日懷翊聖

秋老關河色黯然壯心搖落望雲烟楚山悔別三千里  
燕市悲歌十五年老去青萍藏匣裏愁來白髮醉花前  
鷓鴣啼斷瀟湘夢回首清江落照邊

### 夜聞促織

一昔新涼草際侵攪眠促織夢難尋  
舊知巧鬪逢場戲  
老覺哀音動客心  
多露庭除秋欲晚  
閒花院落夜初深  
啼時斷續身微細  
白髮青燈伴苦吟

物態

秋風策策獵菰蒲  
炎冷尋常物態殊  
畢竟埽門羞魏勃  
豈須岐路泣楊朱  
殘書自擁心情定  
往事追思夢幻無  
只似青山舊樵侶  
不知人世幾榮枯

秋夜

忽忽生涯事事妨  
寒沙曉蹋暮塵黃  
鐙花半結人將睡  
鑪火初溫夜蚤涼  
清漏點中秋欲盡  
荒雞聲裏夢還長  
綠蕉紅蓼晨窓影  
無那朝來盥櫥忙

遣興

千歲愁多祇百年  
琴書僻性未應捐  
吟詩漸解論中晚  
酌酒真忘辨聖賢  
掩映秋燈疏竹外  
招邀清影夜窗前  
不須苦學安心法  
倒枕嘗騰一覺眠

秋夕

窓際碧紗影流雲月半黃關山連暮靄枕簟得新涼  
畫扇收殘暑綃奩開暗香西樓風露冷歸夢向秋長

天寧寺游二首

蘭若譙門外新霜古木清寒山連霽色白日落鐘聲  
亭午塔鈴語邊風沙雁鳴西亭坐蕭瑟蚤忘市朝情  
杖策緇塵晚西林祇獨過門前雙樹在樓外夕陽多  
百戰猶碑碣千秋自薜蘿暮鐘催客思歸馬欲如何

喜湘北至同直

實錄館

國史重徵李鄴侯相逢追憶昔年遊  
花邊左掖同騎馬  
雪裏東華共倚樓  
歲月

孝陵書一卷  
烟波江上夢  
三秋何時副  
就蕉園橐  
玉勅牙籤次第收

冬曉入館同容齋

夜色深窓曙未通  
鐘聲杳杳去  
怱怱鄉心曉  
挂西樓月  
木葉長吹北戶  
風坊遠闕門  
三里外官寒  
心事十年中

冬來碧瓦清霜重幾見東華蚤日紅

孝章至旋別

幾回風雪歲崢嶸已改容顏識舊聲父老尺書歸計定  
高堂華髮旅魂驚池塘昔夢三生恨

追悼長公燈火寒齋此

夜情歸卧東軒窗下月梅花疎影正從橫

立春日漫興

吾今三十五年過袞袞流光奈爾何人壽古稀忽已半  
歲華春到幾分多疎梅寂歷霑杯酒畫鼓轟騰隱嘯歌

旅夜張燈悲節序幾回莫惜醉顏酡

簡叟同宿城北僧舍

花發南枝雁北飛漸看亭畔柳成圍  
三生佛火前塵在一宿僧窓旅夢稀  
鼓夜殘風瑟縮枕衾春冷月依稀  
故人燕市悲歌客投老英雄已息機

韓編修請假完昏

九重殿外七香車銀漢雙星路未賒  
東髮昏姻逢畫錦催粧

勅旨出官家蓮燈燄吐同心結玉佩光添繫臂紗歸去  
不言溫室樹芙蓉開作合歡花

申臯盟五十得子

節愍流風奕葉垂名家人比鄭當時果生瀛海遲仙子  
種是麒麟帶好兒戈印堆牀連祖笏椒蘭盈寢並孫枝  
胎仙疊舞歌塵合伯氏吹堦仲氏簷

蚤行

雨過廉纖漏點頻火銷香冷睡初勻當闌月出呼殘夢



倚枕雞號送晚春  
楊柳漸逢官綠暗  
杏花何處野紅新  
蚤行只似婆婆意  
解作禁愁耐事人

寄安陽張明府參首

鄴都形勝潁中州  
紫氣臨關日夜浮  
勾漏不須尋葛令  
圮橋今已約留侯  
雲深銅雀歌鐘地  
花滿河陽毒冒樓  
蚤聽玉珂金鑰曉  
掖垣封草殿東頭

贈韓中丞

魏公家世足名流  
開府還朝正黑頭  
使相節旄歸上國

尚書劍履勝通侯  
貂蟬西第閒清讌  
絲竹東山領盛游  
豈是書生輕萬戶  
何人不願識荊州

立秋日簡胡聖招遊水闕三首

秋城過雨響潺潺  
一道飛泉瀉水闕  
此去便隨銀漢轉  
御溝流到自人間

洗妝樓址挂殘霞  
蕭后城南過晚鴉  
秋色自霑今日酒  
夕陽猶照古時花

水鶴低回鷗眼明  
夏雲飛盡翠微生  
西風落日菱歌起

今夜逢君不出城

程翼蒼為姊徐孺人索賢節詩

喜過程門問道初看君宅相更何如連枝自解娛庭樹  
生子兼能讀父書舊事嬋娟歌女須念年高士記南徐  
只今人近烏衣巷香滿秦淮照綠蕖

夜坐有感

天河欲落暑風清客醉揮杯感未平萬事飄搖隨薄宦  
十年潦倒愧浮名自憐少壯愁中老誰解鄉闕去後情

芳草東山臨別路那因重起為蒼生

送申隨叔檢討還廣平兼寄鳬盟

同官同病不同歸久治文書戀北扉一別殿廬秋色晚  
重看直草舊游稀懷人邸舍心長在送客雲山興欲飛  
寄語荆園老居士緇塵正悔上吾衣

題李太公真兼呈令嗣正孟編修

丹青人物想風流令子聲華在鳳樓天際夔龍依膝下  
日邊綸綍到林丘採芝遺老尊商皓衣紫山人羨鄴侯

最是臨風看玉樹金泥科第上三頭

秋日懷貽上湘北

蕭蕭落葉滿秋城不寐西堂聽曙更  
寒落詩書增士氣淒涼宦盡平生寒  
衡匹馬風沙亂霜咽啼烏曉月明  
寄語年來素心友清時焉敢學逃名

晚秋懷張西園先生

浙浙西風吹客衣曉行涼雨夕陽歸  
甯中自遣齊朝市世路何緣絳是非  
居士有情翻近道丈人與世本忘機

藕花落盡蘆花老望斷秋河白鷺磯

起居注日講

賜貂裘羔衣各一襲二首

銅龍曙色接彤幃  
素筆螭頭候北扉  
玉漏早催當直夜  
清霜曉點侍臣衣  
忽聞

天語春溫至曾賜宮貂故事稀  
最是小儒尤忝竊  
皇情珍重及寒微

曾陪貂珥金璫貴  
載詠羔羊豹飾榮  
綃帕籠牀趨

玉陞香烟滿裊直

乾清便教累葉傳

君賜何止終身荷

聖情蚤罷西征諸將士尚方服御到書生

賜石榴子恭紀

時侍宴外  
藩郡王

仙禁雲深簇仗低  
午朝簾下報班齊  
侍臣蚤列名王右  
使者曾過大夏西  
安石種栽紅豆蔻  
火珠光迸赤玻瓈  
風霜歷後含苞實  
只有丹心老不迷

經筵紀事八首

展書綈几曉風清  
銅尺橫斜壓未成

天子直將經義熟

玉音開卷已分明

縹帶紅籤鈿軸齊

御書房在殿廊西  
五經同異諸儒別一一

重瞳自品題

玉几丹青畫漏長  
講章纔罷即封章  
芙蓉別殿秋將晚



稀見

君王幸栢梁

閣門鑰入進書來紅蠟光中對御開知是  
至尊勤夜讀三更燕寢月徘徊

第二螭頭點筆時起居親切近臣知年來  
神藻光青簡日歷長編

御製詩

一步天門生羽翰凌霄宮闕路漫漫玉清

禁府尊嚴地只恐人間報稱難

內裏常餐自尚方雪漿雪碗別教嘗調羹真勝修葢露  
賜食何須七寶牀

蛾眉供奉別東頭銅鴨香深跋燭留下直

玉階天漢上金明門外月如鉤

直廬贈韓主事

每逢同日侍鑾坡宮草鑪烟歲月過年老潘生華髮滿  
坐深荀令晚香多才名我自慚金馬風度君偏稱玉珂

清晝總長渾不厭夕陽催別思如何

梅花二絕句

燕市新花巧接栽青春紅火一時催憑君莫笑大庾嶺  
南枝落盡北枝開

幾度寒梅臘又殘愁心一日對花寬稀枝小蕊纔輕放  
留取新年細細看

送少師衛公致政還曲沃二首

十年三度謝簪纓帷幄功高退始輕天下公真清第一

兩朝今不愧平生賜還別有銀青約請老仍為畫錦行  
去日臨軒思舊德遭逢魚水動

皇情

閣道雲山仗外峯朝回請急未從容再來父老看司馬  
此去乾坤有卧龍夢繞細旃聞夜雨春回長樂遠疏鐘  
知公未穩江湖興民隱還須達

九重

次韻程使君留別即送之官粵西兼寄開府馬公

十首

馬公  
雄鎮

相逢前十載離別是中年羈旅交游老鶯花歲月遷飛  
騰知意度文酒破拘牽一詠觚稜句蕭條已共憐

萬里之官路還家到海村琴書隨畫舫詞賦在金門桂  
樹臨江迴梅花過嶺繁瀟橋衰柳色折贈欲銷魂

地角東西粵行行過舊栖孤蓬江笛咽斜日嶺猿啼野  
宿枕榔暗山行荔子低褰帷畫圖裏按部到蠻溪

憶直承明裏宮鶯竟日聞苑花看並騎隄草惜離羣畫

省香鑪氣江城粉堞雲詞名兼試吏此事不如君

地接三江險堂開八桂深關山如憶遠詩句費孤尋卧  
閣梅花放車輪蕙草侵班春多暇日海月照彈琴

近日嘉陵驛郵筒遠寄詩

謂阮亭使蜀懷使君及予詩

西川風雨夜

南海別離時生理何心緒天涯有鬢絲桂江如可飲先  
遣故人知

落日伏波廟行人拜路隅靈旗精爽見銅柱鬼神扶勛  
業看如此登臨意與俱詠懷多古蹟縹緲憶蒼梧

烽烟千嶂靜道路百蠻通  
朱邸今開鎮丹書舊戰功  
江山兵火後耕鑿戍旗中  
人近嫖姚幕聽笳憶塞鴻  
建牙開幕府吹角瘴雲間  
一別蓬萊殿相思供奉班  
湘灘江上水烟雨海南山  
喜及昇平會

恩波徧百蠻

世領中丞節榮分禁苑臣  
江風清蜚戶海月照鮫人  
饒吹騰歡遠轅門送喜頻  
可堪晉父老回首事酸辛

馬以晉撫  
改粵西

送杜編修還南宮

熱橐蕉園徹院鈴夜深藜火散槐廳青門草色春堪惜  
落日驪歌酒易醒此別鶯花間北署十年車馬駐南亭  
我留君去真無補名玷諸儒愧一經

七月二十一日

賜宴瀛臺迎薰亭恭紀二十韻

右掖南薰水殿涼

宸遊此日命瑤觴宜春小苑通平樂太液神池接建章  
金鎖北連馳道合銀河西遶禁垣長依稀畫漏傳鳩鵲



宛轉霓旌下鳳凰  
暎曉紅蕖難辨影  
迴風碧落只聞香  
已同葵葉傾朝日  
不與春花競艷芳  
山襍夏雲峯四起  
林含時雨樹千行  
仙槎迴拂滄溟外  
錦石曾支日月傍  
雁沼芙蓉開別館  
龍樓花萼

召諸王公卿渥澤來丹陛侍從

恩深直玉堂宵旰至今勞

聖主拜颺從此見  
明良移將彩仗趨  
長樂不待簫韶出  
上陽翠渚張筵雲幕濕  
雕盤列俎繡綃黃  
天杯泛露承

仙掌寶鼎調蘭飫尚方無盡

皇情同海岳一時勝賞在林塘蓬萊歲月春何限魚水  
君臣興未央會見大酺歡父老已看燕樂徧巖廊詩成  
宴鎬如周后曲奏橫汾陋漢皇

御藻昭回騰紫極詞曹翰墨侍明光清時不獻長楊賦  
譜入謳歌國步康

是日

詔賜西苑泛舟恭紀二十韻

宮府修和日

君臣悅豫年昇平盛文物

睿賞洽林泉北禁仙流祕西清複道懸曉雲迎

步輦瑞日下晴川罷戰昆明後留歡太液前

駕來祥鳳轉杯向濯龍傳午景凝芝蓋天河入

御筵花明縋騎色香接玉鑪烟鳴珮升蘭榜華簪扣畫

船鹿萍欣有頌魚藻樂難宣空靄浮瑤島明霞遶翠旃

闕樓陰漠漠夏木淨娟娟碧水黃簾外紅臺錦纜邊

蹕停仙仗久岸敞幔城延舞詠班行右光榮侍從偏滄波  
真浩蕩

天語許流連畫鼓催行漏斜暉度晚蟬和膏沾醉飽報  
荅之微涓覆載垂慈溥生成錫祉駢

恩深慚薄技長奏栢梁篇

乾清門侍宴

賜蘋果恭紀

龍牀日扇午陰團第一螭頭飲大官坐有俎筵霑異數

賜將苞品列常餐上林種後收名果

內讌秋來薦玉盤翠纈丹霞滿瓊液不須更食蔗漿寒

宴廓爾沁諸國貢使侍直

賜蒲桃有頃

賜西瓜恭紀

珠顆甘瓢出內園面蒙寵錫

聖容溫初筵訝許長霑馥一日驚逢再拜

恩玉指翠分親摘蒂金盤紅重

御嘗痕尋常香案前頭坐飽飫

天庖渥澤蕃

送素存歸覲二首

暫解西清直南旋涼漸侵游非司馬倦興似季鷹深山  
寺繙書處江魚視饌心

君親恩並重相送一沉吟

載筆編摩日微才也許參誰能辭贊一君自史長三金  
匱書纔上秋風櫂忽南他時如念及撫寄米家菴

武聞貳益都相國次韻

詔貳公孤拜命驚鷹揚盛典屬儒生簪裾許接元寮席  
綸綍時宣

黼黻情簾閣風雲新夜永鎖廳鐙火幾回明由來臺閣  
掄才地元化應須在鑒衡

奉次益都相國武聞韻

太平玉帛萬方同校武常勤

廟算中已見彎弓開似月頓令磨楯運成風檐前落葉

金八八八八八  
卷十  
疎鐘度樓上清霜畫角雄夜半火城傳視草奎堂遙映  
燭花紅

講筵

賜紫貂文綺白金恭賦三首

去歲含毫侍玉墀錦裘天上拜

恩時衣冠曙色交龍袞鸛鷺春溫集鳳池

禁殿久依簪筆地直廬重詠

賜貂詩微勞一髮何曾効輕暖頻年媿



聖慈

紫纈青綾出尚方

恩深奏謝閣門傍  
機絲巧度金梭月  
刀尺頻霑錦綺香  
袖拂螭頭鑪氣暖  
步隨龍尾珮聲長  
許身袞職無能補  
空睹宮衣滿篋箱

榮光賜予報重重  
內裏分金

勅禦冬赤縣尚鐫初  
進字瑤函纔啟

御前封記

恩未忍輸泉布索米從教罄釜鍾不羨長卿工賣賦腐  
儒執簡慶遭逢

賜貂蟒朝衣一襲

恩頒未了趁鴈行又見輝煌下建章內製蚤鋪新樣錦  
賜衣久染舊壚香雲浮繡蟒明初日風動盤貂點細霜  
拜舞玉階春色裏五紋先祝綵絲長

待梅

園桃巷柳豈須論梅信經年探野村老怯谿橋妨滑路

慵憑簾幕伴閒門  
窓虛細朶從疎影  
硯凍斜枝認舊痕  
索共寒香成一笑  
愛他風雪近黃昏

歲暮雜感二首

雲山萬里一雕鞍  
急羽應須起謝安  
嶺海梅花旌節遠  
江城金鼓戍樓寒  
苦吟獨客身將老  
小酌幽襟醉後寬  
旅興易傷西望眼  
數峯深翠路漫漫

紫極青霄恨遠天  
桂陽險絕羽書懸  
題詩萬馬中宵動  
草檄孤城百道連  
直北風雲憑障塞  
征南鼙鼓在樓船

將軍前部何時到霧散龍沙夜月圓

癸丑除夜

漸老天涯此夜中兵戈闕塞意何窮梅花影寫春醅綠  
爆竹聲連蠟穗紅夢繞庭闌雙素髮身慚弟妹一飄蓬  
強吟守歲還循例愁絕寒宵盡角終

人日都市有賣牡丹花者郭快菴太史同賦

人日晴雲媚蚤陽玉闌干外競新妝啼鶯舞燕紛何處  
霧朵霜叢卻未妨翠幔曉低憐瘦影紅樓夜冷惜天香

仙郎已進清平調與和高吟興正長

春懷

玉醅金珂撥鳳槽城頭星爛曉雞號樹烏三匝棲難定  
樞馬無聲意自豪羈旅生涯過夢境年華勛業老詞曹  
寂寥瓦屋繩床夜絕勝丁男轉戰勞

步虛詞二首

寶髻珠圓現幾時珮環聲裏步虛詞露香夜夜朝真語  
心事分明欲訴誰

金縷歌殘舞柘枝  
關山連夜雨如絲  
夢回紅版橋邊路  
一種桃花似舊時

送施匪莪歸泗州用歸來二字韻二首

零落賓朋又送歸  
風烟重惜舊遊違  
還鄉襆被官曹冷  
間道兵戈野店稀  
客久鶯花迷故壘  
春寒雨雪在征衣  
泗濱得比桃源否  
到日殘紅歷亂飛

故人今已賦歸來  
白首行藏拂袖迴  
淮汴雙流中擊楫  
江山百戰舊登臺  
詩成磊落從教在  
酒罷襟懷得好開

只有交情垂老意不堪霑灑到離杯

朝日侍直恭紀

春色平分淑氣迎龍樓鐘鼓報新晴早隨

大駕千門出只後

乘輿一馬行夾岸烟花臨御道朱壇紫燎達

皇情禮成載筆還趨直共仰蓬萊日正明

侍從朝日還侍宴江西提督趙國祚河南提督王

永譽太原總兵郭拱宸

賜紫梨有頃

賜石榴子

羽林前隊屬車塵  
纔解雕鞍藉錦茵  
玉殿割鮮親將帥  
金盤頒果重儒臣  
香多盧橘來江驛  
色勝珊瑚貢越人  
盱食只今憂戰伐  
分甘侍從幾回頻

送洪暉吉還甬東

藉甚才名子自賢  
酒杯詩卷劇流連  
倦游金馬如殘夢  
對策銅龍記往年  
寒食鶯花千里道  
春風鰕菜五湖船



耦耕我失歸田約此別何能不惘然

夢遊南樓歌

別久南樓已十秋長風吹夢下西州祇疑身躡青天影  
真見黃河明月流

送韓起蘇三首

春明門外來時路愁見青青柳色多欲唱驪歌人斷酒  
直教無奈別離何

容膝寒齋小幔垂紙窓風雨上鐙遲房櫳別後春蕭瑟

想見孤吟獨坐時

東風楊柳河橋月冷節闌山野店花送客還鄉仍是客  
十迴禁火在天涯

四月十三日昧爽夢屠芝巖給諫言頃孝感熊公  
誦子詩因為余復誦之覺而忘後二句續成之  
步屨中林逢數子雕闌傑閣倚晴暉長河直轉三千里  
庭樹常留五百圍老氣諸曹猶勁敵雄心杯酒未忘機  
夢回古壁曾題句風雨冥濛隔翠微

容園呈大司馬宛平公

北斗尚書第西園翰墨情闢堂延揖客開閣引諸生臺榭千峯出山河四塞平天虛含象緯地遠劃陰晴日月高  
雙闕風雲抱古城五陵多王氣萬馬雜邊聲談笑淮淝敵鞭驅驃騎營指揮驚宿將帷幄異孤卿羽檄書交  
至軍機酒數行中樞方授律儒術亦論兵鶯語喧金鼓  
花飛點旆旌隋珠未銜報還欲請長纓

詠懷贈田兼三京兆

痛飲狂歌老鄭虔諸公衮衮日朝天  
幾人報國文章在  
吾黨匡時奏草傳  
西掖深花春漏轉  
南臺列栢夕烏還  
平生最愛張京兆  
儒雅能如廣漢賢

七月六日立秋懷王北山給事

清時要地重黃門  
封事詞林共討論

詞林編纂  
六曹章奏

秋色邊

烽還照耀西風  
畫角又黃昏  
雙星河漢隔  
鐘漏一葉梧  
桐飛掖垣  
記得延英去年事  
宣蒙江硯正承

恩

去歲試臺省  
北山試第一

疊前韻酬北山給事見和立秋日詩

給事余同年  
去歲同武闈

清時將略重期門  
好武能文可細論  
鎖院科名雙鬢髮  
垂簾風雨十晨昏  
縹囊久點還詞苑  
彩筆誰兼似諫垣  
玉勒宮花思往事  
曲江宴後疊承

恩

往昔

往昔歡游翰墨場  
五陵衣馬恣清狂  
關情白髮參差短  
回首青山寂寞長  
十載雙親書數紙  
寒燈獨宿淚千行

兵塵未解年將老欲說歸田已闕傷

輓毛錦來吏部

蕭蕭鄰杵動淒其寂寂房櫳素幔垂春日客亭分手後  
夕陽老淚過門時椒漿餘閭招魂晚兵火孤兒上道遲  
百口重圍傳警急三秋旅櫬網蟲絲

秋日草橋見壁詩感舊有作

荏苒京華亦轉蓬芳菲零落舊青叢遠山疏樹璫瓏碧  
流水殘荷寂寞紅霜重草橋秋色晚歲寒花徑昔游空

右安門外西州路  
酌酒荒原向晚風

重游祖氏園

十五年前白鼻騮  
青絲金絡酒重賒  
長思別後淒涼地  
再見秋來爛熳花  
世事五侯新第宅  
桑田幾度舊人家  
將軍坐歎風烟外  
帳底歌鐘閱歲華

秋夜待漏書懷寄蕭韓坡侍讀

九門清漏隔銀河  
午夜微風競玉珂  
不寐秋蟲偏自語  
長愁旅雁又相過  
音書戎馬來人少  
烽火江山戰地多

生養

兩朝恩未報  
苦操柔翰思如何

城南憶舊游  
簡楊侍郎及茂才郎君

輭紅走馬夾城傍  
下直深林坐夕陽  
山色谿光猶在眼  
松風花影最難忘  
詞場賓客思公子  
寺閣登臨憶侍郎  
待漏朝來趨左闕  
南宮秋點夜深長

魏環谿先生邀集可亭以寓直不赴却簡

講堂高倚故山青  
翹首風雲聚可亭  
兩召



天書光日月三遷公望重

朝廷苦心開濟

君前疏大手文章座右銘  
今夜清暉動星宿蕭條藜火  
媿橫經

秋日見雁同湘北作

北風吹雁急南飛邊馬長  
征去未歸矰繳高秋辭大野  
關河落日過重圍斷行飄泊  
孤洲遠獨宿烟塵舊處非  
江海蒼涼沙塞晚尊前為爾  
一沾衣

午亭文編卷十

欽定四庫全書

午亭文編卷十一

大學士陳廷敬撰

今體詩

秋夜入直待漏東闕下有懷青岳翰長肇餘玉階  
兩學士

年光流盡宮前水幾度寒聲雜玉珂  
漆簡數行吾自媿  
冰銜三字意如何  
鼓笳中夜黃雲合  
風雨深秋白髮多

最是周廬趨直地侍班輪日不同過

輓王考功子底宋觀察玉叔

素旄齊城北朱旂蜀道東蕭條萬里外淪沒一年中  
世路憐諸子交情盡二公招魂傷宋玉死孝憫王戎賦鵬  
才猶壯哀麟筆遂終玉棺天上落瑤瑟寢堂空暮雨懸  
鄰杵秋雲冷殯宮夜臺歸有伴泉路恨何窮前後銓衡  
地淒涼

詔獄同范滂真蹇諤裴楷自清通藻鏡南曹月琅璫北

寺風宦途紛轢軻襟抱得沖融顛躓非天意生金荷

聖聰

荔裳西樵前後官吏部下詔獄

追隨思夙昔狂醉笑兒童名列班

揚盛文兼沈鮑工妍媸慙刻畫瑕垢屬磨礱章句功名  
薄生涯負販雄霜摧漢時柏風折嶧陽桐歲月魚吞餌  
乾坤鳥觸籠漂搖驚汎梗慘澹送飛蓬腸斷山陽笛悲  
迷朔塞鴻池塘春草綠

謂阮亭艾石

丘隴野棠紅腹已真成

痛心還暗欲忡九原人在否灑淚向荒叢

九日

內直恭紀

禁鑰霜鐘度掖門佳辰入侍亦

新恩夾城紅葉飄深樹別殿黃花進內園畫刻詞曹金  
簡祕曉風天上

玉音溫承平時節慚文翰戎馬何能報  
至尊

次韻曹頌嘉和田綸霞九日同謝方山飲黑龍潭

晚遊刺梅園看松詩四首

高秋征馬幾時回  
節序邊書日又催  
鴻雁也從烽燧少  
菊花應傍戰場開  
雄都紫塞頻傳檄  
霸業黃金舊築臺  
且斂登臨詞賦手  
故園遠望當歸來

冉冉飛雲萬壑低  
鄉心迢遞夕陽西  
關山木葉歸來晚  
兄弟茱萸揷處齊  
秋水平橋初擁席  
寒花繞屋自成畦  
樊川舊日登高地  
濁酒淋浪醉似泥

滿目青山赤羽馳  
天寒沙磧野營移  
城高白帝霜砧斷  
秋盡黃陵畫角吹  
幾處漁樵逢戍壘  
千村征調見旌旗

多君苦憶昇平事，賞酒悲歌寂寞時。

城南咫尺吾難到，潭水園松兩絕塵。  
歷盡滄桑舍貝闕，燒殘劫火老龍鱗。  
正思叔起呼垂釣，欲擬興公答比鄰。  
退食舍人無事否，好娛風日趣閒身。

菊遲有作

去歲采花香汎酒，今年對酒菊遲回。  
歡淒蚤判心顏改，風雨將闌節序催。  
似向高秋堅壁壘，故教嫩蕊近尊罍。  
上林霜後稀游幸，應遣寒英細細開。



追悼王西樵吏部兼懷阮亭

海內誰知己相思大小王  
風來關塞遠月落夢魂長  
多病寬腰帶流年積鬢霜  
鵲原悲宿草重與淚沾裳

魏環溪少司農為李晉陽索題柳林二首

何處登臨望渺冥  
柳花飛後柳烟青  
灞橋官樹連鄉樹

子舍輿亭接柳亭

司農奉母太夫人所居曰輿亭

韋公舊時庭前柳  
郎省他時對斂容  
惆悵柳林秋色裏  
西風落葉滿居庸

和貽上嘉陵驛見懷

客裏音書寂寞遲西風過雁苦參差窮交別後三年淚  
好事傳來八子詩杜曲寒花秋送遠嘉陵古驛夜相思  
銷魂橋外殘陽樹衰柳天涯憶汝時

風夜程子至

天風響不輟吹汝到空堂夜動霜林白寒搖落月黃鼓  
鐘連歲晚碓杵入宵長話盡蒼茫裏因君思故鄉

上官松石畫

雲樹蒼蒼隔寺樓  
亂山飛瀑屋西頭  
花時恐有漁舟入  
肯使桃紅出澗流

懷吳園次揚州

十年僦屋西街住  
山色東窓共短籬  
隔坐秋燈聞夜語  
蚤朝官馬並晨嘶  
江寒北雁春前少  
人去鄰花雪後遲  
渺渺蕪城烟水濶  
蘄樓明月憶君時

雪夜口號

黃沙漠漠雁聲微  
鼓角緣邊送夕暉  
大帳金川江月暗

前軍鐵鎖陣雲飛  
塵昏壁壘長橫槩  
氣冷關山未授衣  
最憶苦寒諸將士  
好乘雪夜破重圍

冬日寫懷同郭快菴太史李容齋侍讀袁杜少上

舍作

朋舊栖遲旅興寬  
西堂霽雪對憑欄  
九邊馬檠霜雲動  
大將龍堆曉月殘  
裘馬黃金燕客老  
闕城橫吹楚江寒  
久憐詞賦朱顏減  
尚倚狂豪議築壇

弔富川令劉江屏殉節詩

諱欽鄰儀徵籍廬陵人  
順治辛丑進士死粵西

亂贈光  
祿少卿

荒城落日陣雲閒  
烈士如生碧血殷  
太尉威靈高戰伐  
果卿風節壯河山  
孤忠誓死收羣盜  
數語臨危動百蠻  
感泣

至尊當殿詔科名  
終不媿朝班

瓶梅八首

紙窗竹屋奈銷魂  
相對孤花自掩門  
解愛寒鐙上疏影  
不愁明月照黃昏

嶺外烽清驛騎來  
閣門傳火捷書開  
殘年卧隱寒檐日  
索共梅花笑幾回

官閣谿橋記別離  
山村風雪夜相思  
不因蕊細枝斜處  
愁絕天涯歲暮時

博得身閒萬事輕  
曉鴉啼後夢難成  
朗吟對汝北窓下  
冷艷寒香非世情

人生婚宦多憂累  
顛顛紅塵悔舊時  
却笑孤山林處士  
棄家還作有情癡

禁鐘催曉別花行凍壓寒雲雪滿城駐馬風前聞玉笛  
故園腸斷落梅聲

舊時一本數金直翠幙香綃逗蚤春寂寞朱門半上鎖  
樓前愁絕賣花人

羅浮蕭瑟渺雲烟庾嶺荒寒劇可憐萬里邊愁惱清夢  
五更風雪夜窻前

歲除容齋席上送緯雲還宜興兼寄其年

隔夜春帆被急裝一尊歲酒作離觴江山易老東西別

風雨難分上下床入洛機雲羈客恨游秦枚馬著書狂  
買田陽羨時將晚寄語樵漁笠澤傍

除夕二首

顛倒天吳繡兩頭花鈿拆盡笑淹留團圓醉舞春燈下  
病婦飢兒也未愁

玉箸金盤

御榻高昇平節物夢魂勞

王師蚤報收邊郡更典朝衣賞濁醪



元日祠祭免朝賀恭紀

東來王氣滿春城  
馳道風雲接兩京  
天意車書同奉朔  
帝憐兵革罷朝正  
鑪香影裏千旗動  
燎火光中萬馬行  
總為蒼生裡祀切  
漢家五時是虛名

孝陵忌辰呈楊侍郎

楊新自  
陵上來

宮車思往日  
瞻拜哭春風  
廿載兵戈後

先朝夢寐中

翠華臨想像

玉殿在虛空白首儒官老當時供奉同

春夜齋宿院中有懷同學諸子

南內春雲接禁闌御溝流水送斜暉風前白燕寒無影  
月下青槐大幾圍侍從

先朝同昔夢弟兄廿載各分飛

齋宮此夜聽新漏藜火燒殘閉舊扉

春月

圓月他時好春來夜自明九霄金鑰夜萬里玉闌情宛

轉懸雙闕迢迢過列營刀環空有夢流影照霓纓

晉國

晉國強天下秦關限域中兵車千乘合血氣萬方同紫  
塞連天險黃河劃地雄虎狼休縱逸父老願從戎

午日同北山豐臺看芍藥二首

韋曲春時嘗爛漫藥闌午日重裴褰已憐幽萼參差出  
更遣榴花寂寞開

兩度看花也滯留重來風景不勝愁飄零十載尊前客

惟有黃門記昔遊

問王給事病

昨夜眠多少思君落月時  
高齋聞雁蚤秋圃見花遲  
省掖稀囊草安危有鬚絲  
連朝同寂寞吾病亦惝離

奉送宛平田公之奉天二首

千里嚴裝塞下過雕鞍落日  
出關河蚤聞星漏趨蘭省  
歸約銀青送玉珂遼海長  
城邊郡遠南陽

帝里近親多趙張方略清  
威重況是銷兵在政和

形勝雄都百戰塵留臺風紀節旄新

中朝應切安危計內史須煩社稷臣風雨

諸陵秋色遠雲山三輔夢魂親

綸書計日看徵召回首銍車塞草春

送熊縣丞之錢塘

疎柳涼蟬潞水流驪駒朝發暮扁舟江山萬里多新壘  
風月西湖是舊遊客路音塵戎馬外故人愁病別離秋  
不須隱吏誇梅福投筆君須學虎頭

寄上何公江寧

江左風流間代興相門森戟夢觚稜錦袍逸韻花前著  
團扇仁風袖裏承倚檻雲山連北塞飛觴烽火過西陵  
丈夫五十身強健縮手菰蘆恐未能

送趙玉藻編修典試東粵

炎天欲盡路冥冥庾嶺梅花古驛亭馬援柱邊銅鼓暗  
尉佗城下燧烟青百蠻文字珠光合諸將弓刀海氣腥  
傳語有苗千羽盛垂衣

天子日談經

立秋日子顧繹堂貽上湘北幼華過集二首

生死傷心後悲歌把臂初

西樵荔裳相繼淪亡

皇天留數子秋日

集吾廬風雨孤亭窄苔花晚徑疎不慚供給薄離別較何如

舊雨如今雨新秋勝往秋生涯堪一笑杯酒失窮愁吹角江雲斷啼猿蜀道幽飄零今暖眼酩酊且相留

移居懷林澹亭

鬱鬱久居此天涯又卜鄰秋花今別汝社燕並辭人岑  
寂長愁地漂搖獨去身偶因違咫尺轉益念交親

七月廿七日移居宣武門東街二首

衆峯晴自出為此卜幽棲卷幔秋風入鉤簾落日低纔  
容旋馬地已得種花畦望眼雲山外愁時只向西  
九達倚徙遍四海問吾廬垂盡將歸索飄零舊著書殘  
生關藥餌萬事託樵漁爪東西意天涯任所如

望西山



列嶂橫天壁連雲並女牆晚風落空翠疎雨濕斜陽巖  
壑鄉心亂關河別路長白雲如蓋處冉冉近高堂

送李仲如之奉天治中

仲如相  
國子

相公門第映重暉佐治留都願豈違沛郡纔為湯沐邑  
鎬京元是

帝王畿六軍錦水新移陣萬壘松山舊合圍初守  
四朝疆圉重應須奏最報綸扉

和湘北再送仲如

玉笛關山遠送行機槍影落罷東征霜高元菟秋深戌  
月上黃龍塞外城木葉砧聲催別思玉堂詩句悵離情  
公餘詞賦知無敵欲使才名重兩京

送史子修編修歸省

十載詞臣省覲歸直廬初罷

講筵違牙籤綈几辭天上綵袖鑪香出

禁闈歲月暫虛南史筆兵戈猶見老萊衣承歡縱說  
天顏喜宵旰於今未霽威

容齋招同子顧繹堂貽上讌集四首

苔竹參差長軒窓杳窈通故教迷出入不自解西東  
夏果侵階落秋花遶屋紅盆池綠蘋末翻浪五湖風  
數過歡娛地蹉跎鬢有絲風塵憐縱酒壁壘見殘棋  
鴻雁又將至明河今未遲坐來新月上流影照蛾眉

檻古衆木秀亭深初月妍流螢破暝色宿鳥投寒烟  
高齋見水石對酒懷山川自此發秋興松廬方渺然

風雨日蕭蕭初晴夜色饒銀鞍歸路險白馬向秋驕  
漏

遠疎城堞燈明聚市橋天涯朋舊少不惜往還遙

妙光閣次湘北韻

尚書游屐經行處夕照殘花寂寞紅舊館已孤簾幕月  
六時猶響珮環風英雄兒女前塵在香火因緣願力空  
往事不堪回白首酒壚相就問黃公

夢玉隨

江湖渺渺見難期怪爾經年入夢遲別後頭須白幾許  
可憐飛動似當時

聞笛

一片長安秋月明誰吹玉笛夜多情  
關山萬里無消息  
腸斷風前入破聲

八月十四夜月

南鴻北燕久差池明月天涯處處隨  
風露已霑新鬢髮  
關山猶照舊旌旗步檐曳履閒行數  
簾閣吹鐙獨卧遲  
遙憶故山涼冷候桂花連夜影離披

十五夜不見月

秋陰漠漠夜蕭騷如水天河漲素濤三市繞枝烏宿蚤  
數聲吹角雁飛高遠連候火光偏照不動浮雲勢自牢  
我欲乘風上萬里手排閭闔一呼號

十六夜雨過容齋時移居比鄰

下馬堂前雨細傾衝泥步屨惜逢迎寒催落木秋砧動  
夜近高樓玉漏清隔屋檐花添客思短檠燈火足交情  
卜鄰我願同晨夕投老終當學耦耕

重陽前一日同貽上湘北放生池作

紅葉黃花古寺東荷衣行亂渚禽中多生解取伊蒲味  
半偈難忘綺語工秋色鳬鷺驚寒漠漠夕陽烟水晚濛濛  
佛燈夜上星河冷便欲安禪就遠公

同湘北送貽上東歸

青絲絡酒玉壺香未到分攜意已傷客路蕭條偏入夢  
離魂老大易沾裳即教對面翻成別却費來書細作行  
月落燈殘思後夜斷鴻寒影最蒼茫

顏澹園編修修來儀部為兩尊人求詩顏復聖裔

泰山如礪帶如河儒者勛名代不磨輅冕蚤分新榮戟  
簞瓢猶是舊絃歌校書東觀青藜杖下直南宮白玉珂  
對舞華筵秋夕永燭花橫月酒迴波

湘北宅宴集懷貽上東歸二首

冰雪寒沙路歸遲曉月明竹絲舍別恨鐘鼓亂離情被  
酒猶燕市聞歌是渭城此時茅店裏噉噉野鷄鳴  
過亭急寒雁月影下紛紛古寺鐘聲落虛窻木葉聞天  
涯潞河水客夢鵲湖雲行止知無定蒼茫獨憶君



冬日即事

連坊雞未唱疲馬夜行遲漏點催金鑰珂聲動玉墀朝  
班存近侍官職在文辭正喜勤封事

君王召對時

生日

梅花書閣晚婆娑短景流年自勘磨拘束正教如杜老  
龍鍾猶未似東坡文章小技聊為耳歲月浮生欲奈何  
千里過庭風雪夜天涯燈火伴吟哦

日至陪祀宿天壇院

高居上帝列星環人向天門生羽翰漏盡金鐙渾未暝  
霜深瑤草不知寒雲霞夜近通明殿劍佩春回太乙壇  
一昔九霄隔塵夢却疑下界路漫漫

三原房慎菴以季弟發公遺行屬為詩

人物關中房季子弟兄名重鄭當時獨憐春草西堂句  
不愧荒阡有道碑結髮文章輕萬戶傷心書卷付佳兒  
青衫黃壤連枝恨淚葉翻風宰樹悲

寄汪大長洲王十一新城五十韻

故舊皆何在，羈遊已自孤。  
天涯今寂寞，歲晚一踟蹰。  
歷下周旋久，江東物色殊。  
別離吾欲老，消息近全無。  
雲樹何寥濶，風塵正鬱紆。  
珊瑚終拂海，尊菜已歸吳。  
魚鳥無嫌避，山林脫覲覩。  
乾坤雙睥睨，頰仰自昭蘇。  
憶昔芝如蕙，偏嗟亮與瑜。  
名聲陵沈鮑，交契到蕭朱。  
秋實繁堪擷，春華照若敷。  
一臺矜二妙，十稔拙三都。  
電掃詞鋒迅，星芒筆陣驅。  
文章宜特達，郎署偶同趨。  
頗覺時金盞，相逢

屢譙娛鶯花晨詠風雪夜招呼擇勝青絲障當筵紫

繡襦尚書頻顧曲

芝麓龔公

吏部解投壺

貽上有劉公載吏部投壺詩

自

喜官疏散能忘士賤拘觴行銀鑿落騎簇錦糝糊晚接

金門轡

玉隨湘北

歸栖列栢烏

玉虬日緝

悲歌從俗怪醉舞欲人

扶少日堂堂去流年冉冉徂漸離悲擊筑南郭老吹竽

回首清歡地空憐縱飲徒折梅連舊蕊去雁引新雛魂

夢迷行處江山見畫圖飄蓬思杖策泛梗想乘桴嶽觀

通青帝蘇臺長綠蕪風流真秀美物產自魁梧城郭峯

當面烟波水一隅燧烽昏戍壘冰雪漲川途戰地經三  
楚軍船過五湖遭逢還感激間濶遂艱虞處士非殷杜  
清流有顧厨淒涼懷卞玉照耀握隋珠歲月消鉛槧豪  
華付狗屠飛騰萬里志孱弱百年軀笑口妨多病愁眉  
損壯夫放懷齊塞馬微分託轅駒白髮耽詩卷青春滯  
酒壚殫精工句字為樂博須臾處世從方朔逃名謝董  
狐根塵隨浩劫才命受洪鑪心跡輸高致行藏困小儒  
觀身時自遣觸事竟長吁百一成驚愕平生似友于晚

聞慚至道故態怒狂奴他日如重見香醪爛漫酤

哭張幹臣學士三十六韻

友朋既零落賢哲幾凋傷習俗交垂喪清流獨奮揚斯  
人高位置吾道豈摧藏泗水三千士尼山數仞牆顏瓢  
堪陋巷由瑟已升堂經閣初刊繆名山續補亡霸圖羞  
管樂儒略慕軒唐夙昔延英殿追游供奉行衣冠存正色  
星宿麗寒芒步緩晨趨珮歸遲晚袖香苦心隨豹尾失涕近  
龍牀奏對封章切言詞面諍長

講筵多獻替詞館自輝光  
燁赫雷霆下昭回日月傍  
薄遊辭宛洛厚譴得江鄉

帝念深依眷天心頓激昂再三

中旨召敷迫舍人裝縱斧千尋幹  
洪鑪百鍊鋼孱羸看吐舌疾病見  
剛腸燕寢鬚眉在春銓骨肉涼蓋  
棺猶布被易簣只空囊尚冀收遺  
草臨危絕諫章治安難畫策存歿  
易沾裳銅馬三軍憊金戈萬戶瘡  
鼓鼙思大將肺腑托天王富貴

恩宜報艱難志敢忘寒蟬咽危露鳴鳳集高岡天路嗟  
顛折泉臺恨渺茫孤兒將旅櫬十口寄邊疆黯黯初局  
戶淒清舊直房此行歌薤露何地哭悲楊素幕逢寒食歸  
舟傍戰場關山塵漠漠江漢路蒼蒼宿草樵薪亂新阡燧  
火荒大名身寂寞流慟淚滄浪哀輓交期罷千秋有范張  
丙辰元旦雪

歲除梅蘂破夜半雪花翻物色流年換生涯舊俗存風  
雲含萬象燈火閉千門馬跡春城蚤鐘聲朔塞昏自須



迷玉勒難可辨金根潤點銅龍漏光添白獸尊占農雜  
憂喜望日別寒暄栢酒傳官舍椒盤憶故園歸田學耕  
稼入社宴雞豚領取豐年瑞林廬老一村

早春野望

客舍淒迷黯已傷天涯悵望闕城傍雄關過雁連春色  
小苑昏鐘帶夕陽歸夢不禁鄉路濶旅魂空遶塞垣長  
最憐野騎行吟處細草啼鶯入大荒

奉

命祭告北鎮二首

使星十道出

王城獨奉函書到上京大漠北來沙磧盡神山東望海  
雲生鶯花舊日朝

陵路楊柳春光出塞情曾是

翠華游歷處臨軒故遣侍臣行

雲霄北鎮興王地官屬東來

一作侍從年

御墨淋漓臣姓字神光縹緲

帝山川經過玉輦生瑤草望秩金庭接瑞烟開國  
龍飛根本重府寮奉使

聖恩偏

發京日作

皇家秩祀重名山曉別青霄侍從班行色單車趨朔漠  
離心一夜滿燕關平沙遠水春天濶細草穠花客路閒  
咫尺銅龍隔清漏觚稜風雨夢魂間

宿通州明日送者返城寄諸公

麗譙鼓角黯無聲  
鐘漏千門出

帝城使院一鐙寒  
夜語離亭殘酒別  
時情雁過塞路將  
書去草長河梁送  
客行潞水東流却  
南下北人從此更  
長征

征途聞笛

一片關山春月明  
邊愁遙起故園情  
回思吹笛千門夜  
落盡梅花送我行

赴北鎮得家書

只問歸時更遠行  
高堂書信語分明  
那知重灑征衫淚  
又是并州別後情

晚次三河縣

九邊亭障迥斜日  
縣樓明接近千峯  
落排空萬馬行崩  
騰山忽斷陡絕勢  
難平舊合臨洶水  
新開

駐蹕城荒烟知古  
戍野火間殘營草  
覆寒沙淺春連朔  
氣生丘陵終不改  
道路若為情關塞  
東來意蒼茫隔

帝京

金匱山行記  
卷十一  
發薊州循燕山下行向玉田道中作

迴合青冥路欲無馬蹄盡處出平蕪  
天臨絕塞圍沙漠地湧連山接海隅  
近日喜開

三殿詔當時閒按九邊圖雕弓羽騎東遊壯却笑終生有棄繻  
燕山

一重邊鎮百重山鳳翥龍騰向北還  
對峙太行為左輔近連滄海作雄關  
東西日月天門外開闢乾坤

帝座間頻視九州形勝大風雲直北戍樓閒

豐潤道中

鷓鴣山前春鳥稀  
盧龍塞上雁長飛  
馬頭車軸紛如此

只送人行不送歸

馬頭車  
軸山名

次豐潤明日入永平界有懷京師故舊

漁陽春色晚二月尚淒淒  
山遠孤城濶天連野戍低  
征途辭薊北客夢近遼西  
溲水朝京意含情惜解攜

灤州界上

路傍古時一隻堠  
沙際春日雙流谿  
古時曾見邊烽落

春日惟聞野鳥啼

灤州

山勢長當面峯巒忽四圍地經烽戍苦路遠塞天微邊  
馬還東去春鴻故北飛扶蘇泉下水曾此映斜暉

宿七家嶺驛

桑柘青陰花藥紅殘春家寄五陵東行人兩地相思處  
盡在寒鐙古驛中

北平懷古



淺草寒沙路春風數騎行常思射虎石何處北平城沒  
羽邊雲動收弦塞月橫書生無燕頷因爾倍含情

次北平

薊門行已盡杳杳復孤征落日遼西郡春風右北平登  
高望遠海飲馬出長城不作關山使誰知邊塞情

過永平懷故觀察宋荔裳二首

宋昔兵  
備此郡

東臨碣石觀滄海終古曹公一世雄汝在遼西懷往蹟

振衣縹緲對天風

荔裳詩東臨碣石觀滄  
海縹緲天風一振衣

杜陵詩盡人間意解道兼須入海求一卷文章數行淚  
祇應流恨到滄洲

菟耳山

馬上盧龍塞鴻遶菟耳山流雲無定日飛雨過重關古  
木生空翠孤峯點細斑征途能暫息絕頂一躋攀

雙望堡

千里營平道青冥萬仞山烟烽雙望堡征戍幾人還塞  
柳春光斷遶鴻夕照閒蕭條懷古意匹馬近榆關

古榆關

白草黃雲出亂山  
渝河東下古榆關  
沙場多少征夫恨  
行到長城慘客顏

望海店望山海關

孤城連積水一綫見波瀾  
春色臨關盡天風過海寒  
滄溟今浩渺江漢日驚湍  
萬派朝宗意登樓細細看

出山海關二首

大漠孤城海氣生  
關門漏盡野雞鳴  
邊鴻欲度低殘月

曉角翻為出塞聲

角山關下角聲殘口外桃林柳色寒客路長城今日盡  
平沙萬里更漫漫

出關有懷府寮諸公

春衣灑酒別長安二月貂裘出塞寒青草不生烽戍地  
黃沙已漲海雲端鶯花禁苑邊城隔雨雪關山客路殘  
殿上羣公應宴賞東華歸馬簇金鞍

出關門百里宿沙河站

關南滄海浮天盡漢北連峯拔地青一片山河圍鄭塞  
幾家烟火接邊庭遼歌調苦風還斷蘆酒愁多夜易醒  
卻喜

皇威臨絕域鎮東門戶不須扃

山海關東門曰鎮東

雨宿沙石所

野陰連暮色萬里接邊空古蹟黃昏雨沙場慘淡風客  
行烟火外春盡道途中茅店雞栖早驅車越大東

寒食日錦州道中

冷節關山外邊沙暗玉鞍海天常欲雨春路自多寒三月草未綠長安花已殘陰風吹錦水落日正漫漫

次錦州

世祖龍興日旌旗向此行風雲隨尺土旄鉞壯孤城萬歲還思沛

先朝久厭兵山靈盤重鎮應悉使臣情

清明日抵十三山下

五代史胡峤北行記十三山去幽燕二千里

鴨江春水鴨頭平木葉風高葉未生客路不知行近遠

十三山下過清明

廣寧齋居使院遙望北鎮十二韻

碣石三韓外扶桑萬國東幽營分地險青冀接天崇華  
蓋垂垂秀芙蓉片片工六重紛拏抱定位屹當中平冕  
疑羣帝桓圭儼上公生成思擘畫巧絕歎鴻濛望秩存  
虞典隨刊省禹功晚霞舒疊浪斜照貫晴虹滄海縈襟  
帶恒山配闕宮神光終古在嶽祀至今同芝檢傳  
王命瑤函啟薄躬齋心塵壒外始擬躡蒼穹

北鎮祭告禮成紀述二首

崔巍坐鎮朔方孤北嶽東來勢欲無襟帶江湘參赤帝  
神靈烟雨鎖雄都祠壇有路通天表禪草當年問地圖  
親見五雲籠輦道三聲

萬歲尚傳呼

法駕東巡海上迴旌旗萬乘拂天來自經

玉趾披階草遂發金錢作殿材風入沛宮曾起舞雲深  
芒碭一徘徊小臣奉使名山日擁節還如奉後陪



閬陽驛留別廣寧令張雲麓

更盡陽關酒一杯故人三日共裴褰  
桃花洞口尋春入木葉山頭並騎來地是

先皇湯沐邑君非百里簿書才  
邊沙遠使歸心切卻為臨岐首重回

入關見春草

去時春草白來時春草青  
塞上草生晚客行還未停

覺華島

昔聞滄海東南外，今見丹梯咫尺間。  
孤島拍浮萬里水，夕陽縹緲三神山。  
蜃樓雲霧連空幻，貝闕蛟龍礙往還。  
最訝根蟠無厚地，忘情不覺在人寰。

大陵河夜風雷

陰風何漠漠，流水自淒淒。  
近海奔雷壯，臨邊苦霧低。  
空城鬼火出，廢壘戍烏啼。  
野店寒更斷，無眠聽曙雞。

杏山

千里三春使節回，遼陽不見一花開。  
杏山小店雙桃樹，

細蕊稀枝亂後栽

急水河

急水河深水急流歸人三月滯邈州  
石尤風解留行客  
惆悵車輪與馬頭

歡喜嶺有慢水河

歡喜嶺前慢水流歸人歡喜去人愁  
歸來也是天涯客  
家在千山萬水頭

歸路

秦城唐壘遠經過回首蒼涼祇浩歌  
塞外連山何處盡海邊陰雨一春多  
野無烽燧如烟火村有蓬蒿似薜蘿  
稍喜關門歸路近穠花深柳未蹉跎

入關

出塞今為入塞行東來萬里盡長城  
平沙古堠孤烟色落日危樓暮角聲  
遠近青山如故國淺深春草是王程  
紅塵荏苒征人老不見關門紫氣生

關樓

壁壘高樓壯旌旗古鎮尊塞風春不斷邊日晝長昏悲  
角關雲動孤城海氣翻往來憑弔意辭賦欲銷魂

關門館舍後樓晚登

一片青山勢壓城晚風樓上海濤聲滄溟萬里堪乘興  
無那鄉心日夜生

澱海樓觀海

雲起碧空盡潮來紫浪翻有天浮晝夜無地著乾坤日  
月還高下蛟龍自吐吞乘桴知聖意浩蕩與誰論

榆關驛見桃花

東行霜草白成堆  
柳塞桃林待我來  
誰道榆關春色晚  
花開時節使車迴

姜女祠

誰築長城萬里長  
至今片石對蒼茫  
輶轅風起鮑魚亂  
得似空祠一瓣香

姜女墳

秦皇抔土今安在  
六國君卿劇可憐  
何似望夫山上石

不隨海水變桑田

八關雜題二首

今年馬上過春風  
關西花柳村村同  
柳葉可憐濃淡綠  
桃花解愛淺深紅

山遠盧峰水遶城  
柳烟漠漠弄春晴  
銷魂橋上重回首  
短葉長條太有情

夷齊廟

清聖祠堂滄海邊  
首陽往事尚依然  
崢嶸泰伯興周日

寂寞成湯放桀年萬世君臣今論定古來兄弟幾人傳  
只將一勺灤江水掬取山薇薦豆籩

同永平唐太守灤州吳守灤河放舟晚登偏涼汀  
二首

灤江極浦移舟遠泰水交流放櫂寬隔渚濛濛空翠合  
連波淼淼夕陽殘漁村門巷桃花映佛寺樓臺石筍攢  
晚泊謝公樓隱處欲攜襆被宿層巒

黃洛城西歷翠微金泉亭北頰斜暉落花低檻時霑酒



細雨深林不濕衣  
丹頂霞明雛鶴小  
銀鱗水長鱗魚肥  
也從仙吏銷憂到  
歸夢江湖憶釣磯

使還次通州感成

蹤跡飄蓬不可尋  
落花芳草暮愁侵  
何堪客路來歸日  
翻似離亭送別心  
宮闕長安紅日近  
關河親舍白雲深  
他時卧隱柴荆裏  
記取東游塞上吟

次韻益都相公重陽前一日萬柳堂讌集二首

曉隨丞相鳳池頭  
晚接花茵想勝游  
萬里捷書頻送喜

一時佳節倍銷憂  
松風有夢懷溫樹  
魚水多情羨野鷗  
不盡謝公絲竹興  
邊機尊俎在前籌

勝蹟王孫萬柳賒  
相公清興渺雲霞

元稹希憲萬柳堂在京城南趙文敏

諸公常譙集其中今公名其堂曰萬柳以此也

黃塵漠漠雙蓬鬢  
艷蕊淒淒舊

菊花見說登臨猶  
昨日笑憐歲月屬  
官家何時蠟屐陪

歡譙也比參軍落  
帽紗

益都一日朝會出此二詩謂故相國徐立齋曰終當讓此公

### 送曹頌嘉還江陰

峨眉仙子建安流  
游戲蓬萊殿上頭  
兩制絲綸新史筆

五湖烟水舊扁舟  
鱸魚解愛江東美  
代馬長懸冀北愁  
霑灑一杯文字酒  
離魂去住結綢繆

陳將軍忠愍輓詞

雄盼秦關指蜀江  
將軍才氣世無雙  
身經百戰曾輕敵  
功蓋諸侯早受降  
夜雪移營嚴號令  
天寒伏甲近麾幢  
竟須遺恨安危策  
涇水含悲急隴瀟

白髮

白髮長頭鬢含情  
今奈何榮枯堪一笑  
身世付高歌夜

雨雁聲斷秋燈人語多殘花掩深戶吾欲保天和

寫懷

日月速如此歡娛得未曾滑稽吾豈敢禮樂力難勝舊  
事青春隔流年白髮增文章聊自戲送老漸無憑

夜出閣門口號

宮樹栖鷗啼滿林晚風人閉閣門深黃昏騎馬秋河上  
只有清波映客心

閔武西苑紀事六首

繚牆北面苑門開曾侍

先皇羽獵來武帳前頭親校射當今

聖主是雄才

點筆螭頭歲月長玉階龍尾步迴翔新教扈蹕參天老  
賜坐從容近

御牀

舞劍鳴弓決射侯姓名爭在上三頭

重瞳香案親題與司馬前將

御札收

萬方送喜


聖躬勞試武連朝備六弋不似唐家選文士狀頭先進  
鬱輪袍

龍武新軍舊羽林技穿楊葉中飛禽更教射與諸人看  
一箭

君王用意深

飲馬龍池駐柳營山河萬里接昆明樓船水戰今都罷

已見弓刀定太平



午亭文編卷十一